

ॐ नमः परमात्मने, श्री महागणपतये नमः, श्री गुरुभ्यो नमः ॥
हरिः ॐ

5.5 पञ्चमकाण्डे पञ्चमः प्रश्नः - वायव्यपश्च

Contents

5.5 पञ्चमकाण्डे पञ्चमः प्रश्नः - वायव्यपश्चाद्धानं निरूपणं

1

ॐ नमः परमात्मने, श्री महागणपतये नमः, श्री गुरुभ्यो नमः हरिः ॐ

5.5 पञ्चमकाण्डे पञ्चमः प्रश्नः - वायव्यपश्चाद्धानं निरूपणं

5.5 पञ्चमकाण्डे पञ्चमः प्रश्नः - वायव्यपश्चाद्धानं निरूपणं

TS 5.5.1.1

यत् । एकेन । स॒स्थापय॑तीति॑ सं - स्थापय॑ति । य॒ज्ञस्य॑ । सन्त॑त्या इति॑ सं - त॒त्यै ।
अवि॑च्छेदा॒येत्यवि॑ - छेदा॒य । ऐन्द्राः । प॒शवः॑ । ये । मु॒ष्क॒राः । यत् । ऐन्द्राः । सन्तः॑ ।
अ॒ग्निभ्य॑ इत्य॒ग्नि - भ्यः । आ॒ल॒भ्यन्त॑ इत्या॑ - ल॒भ्यन्ते॑ । दे॒वता॑भ्यः । स॒मदु॑मिति॑ स - म॒दम् ।
दु॒धाति॑ । आ॒ग्नेयीः । त्रि॒ष्टुभः॑ । या॒ज्यानु॒वाक्या॑ इति॑ याज्या - अ॒नुवा॒क्याः । कुर्या॑त् । यत् ।
आ॒ग्नेयीः । तेन॑ । आ॒ग्नेयाः । यत् । त्रि॒ष्टुभः॑ । तेन॑ । ऐन्द्राः । स॒मृद्ध्या॑ इति॑ सं - ऋ॒द्ध्यै
। न । दे॒वता॑भ्यः । स॒मदु॑मिति॑ स - म॒दम् । दु॒धाति॑ । वा॒यवै । नि॒युत्वंत॑ इति॑ नि-युत्वंते ।
तू॒प्तरम् । एति॑ । ल॒भ्यते॑ । तेजः॑ । अ॒ग्नेः । वा॒युः । तेज॑से । ए॒षः । एति॑ । ल॒भ्यते॑ ।
तस्मा॑त् । य॒द्रिय॑द् । वा॒युः । 1

TS 5.5.1.2

वा॒ति । त॒द्रिय॑द् । अ॒ग्निः । दु॒हति॑ । स्वम् । ए॒व । तत् । तेजः॑ । अ॒न्विति॑ । ए॒ति । यत् ।
न । नि॒युत्वंत॑ इति॑ नि - युत्वंते । स्यात् । उ॒दिति॑ । मा॒द्येत् । यज॑मानः । नि॒युत्वंत॑ इति॑ नि
- युत्वंते । भ॒वति॑ । यज॑मानस्य । अनु॑न्मादा॒येत्यनु॑त् - मा॒दाय॑ । वा॒युमती॑ इति॑ वायु - मती॑ ।

श्वेतव॑न्ती इति॑ श्वेत - व॒ती । या॒ज्यानु॒वाक्ये॑ इति॑ याज्या - अनु॒वाक्ये॑ । भ॒वतः॑ । स॒तेज॒स्त्वायेति॑
सतेजः॑ - त्वाय॑ । हि॒रण्यग॒र्भ इति॑ हिरण्य - गर्भः॑ । समि॒ति । अ॒वर्त॑त । अ॒ग्रे । इति॑ ।
आ॒घार॒मित्या॑ - घा॒रम् । एति॑ । घा॒रय॑ति । प्र॒जाप॑तिरिति॑ प्र॒जा-प॑तिः । वै । हि॒रण्यग॒र्भ इति॑
हिरण्य - गर्भः॑ । प्र॒जाप॑तेरिति॑ प्र॒जा - प॑तेः । अनु॒रूप॒त्वायेत्य॑नुरूप - त्वाय॑ । सर्वा॑णि । वै ।
ए॒षः । रू॒पाणि॑ । प॒शूनाम् । प्र॒ति । एति॑ । ल॒भ्यते॑ । यत् । इ॒मश्च॑रुणः । तत् । 2

TS 5.5.1.3

पुरु॑षाणाम् । रू॒पम् । यत् । तू॒परः॑ । तत् । अ॒श्वाना॑म् । यत् । अ॒न्यतो॑द॒न्नित्य॑न्यतः - द॒न्न
। तत् । ग॒वा॑म् । यत् । अ॒व्याः॑ । इ॒व । श॒फाः । तत् । अ॒वीना॑म् । यत् । अ॒जः ।
तत् । अ॒जाना॑म् । वा॒युः । वै । प॒शूनाम् । प्रि॒यम् । धाम॑ । यत् । वा॒यव्यः॑ । भ॒वति॑ ।
ए॒तम् । ए॒व । ए॒नम् । अ॒भीति॑ । स॒ज्जाना॑ना इति॑ सं - जा॒नानाः॑ । प॒शवः॑ । उ॒पेति॑ । तिष्ठ॑न्ते
। वा॒यव्यः॑ । क॒र्या(३)ः । प्रा॒जाप॑त्या(३) इति॑ प्राजा - प॑त्या(३)ः । इति॑ । आ॒हुः । यत्
। वा॒यव्य॑म् । कुर्या॑त् । प्र॒जाप॑तेरिति॑ प्र॒जा - प॑तेः । इ॒यात् । यत् । प्रा॒जाप॑त्यमिति॑ प्राजा -
प॑त्यम् । कुर्या॑त् । वा॒योः । 3

TS 5.5.1.4

इ॒यात् । यत् । वा॒यव्यः॑ । प॒शुः । भ॒वति॑ । तेन॑ । वा॒योः । न । ए॒ति । यत् । प्रा॒जाप॑त्य
इति॑ प्राजा - प॑त्यः । पुरो॑डाशः । भ॒वति॑ । तेन॑ । प्र॒जाप॑तेरिति॑ प्र॒जा - प॑तेः । न । ए॒ति । यत्
। द्वा॒दश॑कपाल॒ इति॑ द्वा॒दश - क॒पालः॑ । तेन॑ । वै॒श्वान॑रात् । न । ए॒ति । आ॒ग्नावै॑ष्ण॒वमित्या॑ग्ना
- वै॒ष्णव॑म् । एका॑दशकपाल॒मित्येका॑दश- क॒पालम् । निरि॑ति । व॒पति॑ । दी॒क्षिष्य॑माणः । अ॒ग्निः
। सर्वा॑ः । दे॒वताः॑ । विष्णुः॑ । य॒ज्ञः । दे॒वताः॑ । च । ए॒व । य॒ज्ञम् । च । एति॑ । र॒भते॑
। अ॒ग्निः । अ॒वमः॑ । दे॒वता॑नाम् । विष्णुः॑ । प॒रमः॑ । यत् । आ॒ग्नावै॑ष्ण॒वमित्या॑ग्ना - वै॒ष्णव॑म्
। एका॑दशकपाल॒मित्येका॑दश-क॒पालम् । निर्व॑प॒तीति॑ निः - व॒पति॑ । दे॒वताः॑ । 4

TS 5.5.1.5

एव । उभयतः । परिगृह्येति परि-गृह्यं । यजमानः । अवेति । रुन्धे । पुरोडाशेन । वै । देवाः । अमुष्मिन् । लोके । आद्रध्रुवन् । चरुणां । अस्मिन् । यः । कामयेत । अमुष्मिन् । लोके । ऋद्ध्याम् । इति । सः । पुरोडाशम् । कुर्वीत । अमुष्मिन् । एव । लोके । ऋद्धोति । यत् । अष्टाकपाल इत्यष्टा - कपालः । तेन । अग्नेयः । यत् । त्रिकपाल इति त्रि - कपालः । तेन । वैष्णवः । समृद्ध्या इति सं - ऋद्ध्यै । यः । कामयेत । अस्मिन् । लोके । ऋद्ध्याम् । इति । सः । चरुम् । कुर्वीत । अग्नेः । घृतम् । विष्णोः । तण्डुलाः । तस्मात् । 5

TS 5.5.1.6

चरुः । कार्यः । अस्मिन् । एव । लोके । ऋद्धोति । आदित्यः । भवति । इयम् । वै । अदितिः । अस्याम् । एव । प्रतीतिं । तिष्ठति । अथो इति । अस्याम् । एव । अधीतिं । युज्म् । तनुते । यः । वै । सँवत्सरमिति सं - वत्सरम् । उख्यम् । अभृत्वा । अग्निम् । चिनुते । यथा । सामि । गर्भः । अवपद्यत इत्यव - पद्यते । तादृक् । एव । तत् । आर्तिम् । एति । ऋच्छेत् । वैश्वानरम् । द्वादशकपालमिति द्वादश - कपालम् । पुरस्तात् । निरितिं । वपेत् । सँवत्सर इति सं - वत्सरः । वै । अग्निः । वैश्वानरः । यथा । सँवत्सरमिति सं - वत्सरम् । आत्वा । 6

TS 5.5.1.7

काले । आगत इत्या - गते । विजायत इति वि - जायते । एवम् । एव । सँवत्सरमिति सं - वत्सरम् । आत्वा । काले । आगत इत्या - गते । अग्निम् । चिनुते । न । आर्तिम् । एति । ऋच्छति । एषा । वै । अग्नेः । प्रिया । तनूः । यत् । वैश्वानरः । प्रियाम् । एव । अस्य । तनुवम् । अवेति । रुन्धे । त्रीणि । एतानि । हवीः षिं । भवन्ति । त्रयः । इमे । लोकाः । एषाम् । लोकानाम् । रोहाय ॥ 7

(यद्रियं वायु - र्यच्छमंश्रुणस्तद् - वायो - निर्वपति देवता - स्तस्मा - दाप्त्वा - षात्रिशच्च) (A1)

TS 5.5.2.1

प्रजापतिरिति प्रजा - पतिः । प्रजा इति प्र - जाः । सृष्ट्वा । प्रेणा । अनु । प्रेति । अविशत् । ताभ्यः । पुनः । संभवितुमिति सं - भवितुम् । न । अशक्नोत् । सः । अब्रवीत् । ऋद्धवत् । इत् । सः । यः । मा । इतः । पुनः । सचिन्वदिति सं - चिनवत् । इति । तम् । देवाः । समिति । अचिन्वन् । ततः । वै । ते । आर्ध्वन् । यत् । समचिन्वन्निति सं - अचिन्वन् । तत् । चित्यस्य । चित्यत्वमिति चित्य - त्वम् । यः । एवम् । विद्वान् । अग्निम् । चिनुते । ऋद्धोति । एव । कस्मै । कम् । अग्निः । चीयते । इति । आहुः । अग्निवानित्यग्नि - वान् । 8

TS 5.5.2.2

असानि । इति । वै । अग्निः । चीयते । अग्निवानित्यग्नि - वान् । एव । भवति । कस्मै । कम् । अग्निः । चीयते । इति । आहुः । देवाः । मा । वेदन् । इति । वै । अग्निः । चीयते । विदुः । एनम् । देवाः । कस्मै । कम् । अग्निः । चीयते । इति । आहुः । गृही । असानि । इति । वै । अग्निः । चीयते । गृही । एव । भवति । कस्मै । कम् । अग्निः । चीयते । इति । आहुः । पशुमानिति पशु - मान् । असानि । इति । वै । अग्निः । 9

TS 5.5.2.3

चीयते । पशुमानिति पशु - मान् । एव । भवति । कस्मै । कम् । अग्निः । चीयते । इति । आहुः । सप्त । मा । पुरुषाः । उपेति । जीवान् । इति । वै । अग्निः । चीयते । त्रयः । प्राञ्चः । त्रयः । प्रत्यञ्चः । आत्मा । सप्तमः । एतावन्तः । एव । एनम् । अमुष्मिन् । लोके । उपेति । जीवन्ति । प्रजापतिरिति प्रजा - पतिः । अग्निम् । अचिकीषत् । तम् ।

पृथिवी । अ॒ब्रवीत् । न । मयि॑ । अ॒ग्निम् । चे॒ष्यसे॑ । अतीति॑ । मा । ध॒क्ष्यति॑ । सा ।
त्वा । अ॒ति॒दु॒ह्यमा॒नेत्य॑ति - दु॒ह्यमा॑ना । वीति॑ । ध॒विष्ये॑ । 10

TS 5.5.2.4

सः । पापी॑यान् । भ॒विष्य॑सि । इति॑ । सः । अ॒ब्रवीत् । तथो॑ । वै । अ॒हम् । क॒रिष्या॑मि ।
यथो॑ । त्वा । न । अ॒ति॒ध॒क्ष्यतीत्य॑ति-ध॒क्ष्यति॑ । इति॑ । सः । इ॒माम् । अ॒भीति॑ । अ॒मृश॑त् ।
। प्र॒जाप॑तिरिति॑ प्र॒जा-प॑तिः । त्वा । सा॒दय॑त् । तयो॑ । दे॒वता॑या । अ॒ङ्गिर॑स्वत् । ध्रु॒वा । सी॒द ।
। इति॑ । इ॒माम् । ए॒व । इष्ट॑काम् । कृ॒त्वा । उपेति॑ । अ॒धत्त॑ । अन॑तिदाहायेत्यन॑ति - दा॒हाय॑
। यत् । प्रतीति॑ । अ॒ग्निम् । चि॒न्वीत् । तत् । अ॒भीति॑ । मृ॒शेत् । प्र॒जाप॑तिरिति॑ प्र॒जा-प॑तिः
। त्वा । सा॒दय॑त् । तयो॑ । दे॒वता॑या । अ॒ङ्गिर॑स्वत् । ध्रु॒वा । सी॒द । 11

TS 5.5.2.5

इति॑ । इ॒माम् । ए॒व । इष्ट॑काम् । कृ॒त्वा । उपेति॑ । ध॒त्ते । अन॑तिदाहायेत्यन॑ति - दा॒हाय॑ ।
प्र॒जाप॑तिरिति॑ प्र॒जा - प॑तिः । अ॒का॒मय॑त् । प्रेति॑ । जा॒येय॑ । इति॑ । सः । ए॒तम् । उ॒ख्यम्
। अ॒प॒श्यत् । तम् । सँ॒व॒त्स॒रमि॑ति सं - व॒त्स॒रम् । अ॒बि॒भुः । ततः॑ । वै । सः । प्रेति॑ ।
अ॒जा॒यत् । तस्मा॑त् । सँ॒व॒त्स॒रमि॑ति सं-व॒त्स॒रम् । भा॒र्यः । प्रेति॑ । ए॒व । जा॒यते॑ । तम् ।
वस॑वः । अ॒ब्रुव॑न् । प्रेति॑ । त्वम् । अ॒ज॒नि॒ष्ठाः । व॒यम् । प्रेति॑ । जा॒याम॑है । इति॑ । तम् ।
वसु॑भ्य इति॑ वसु॑ - भ्यः । प्रेति॑ । अ॒य॒च्छत् । तम् । त्रीणि॑ । अ॒हा॒नि । अ॒बि॒भुः । तेन॑ । 12

TS 5.5.2.6

त्रीणि॑ । च । श॒ताति॑ । असृ॑जन्त । त्रय॑स्त्रि॒शत॑मिति॑ त्रयः- त्रि॒श॒तम् । च । तस्मा॑त् ।
त्र्य॒हमि॑ति॑ त्रि - अ॒हम् । भा॒र्यः । प्रेति॑ । ए॒व । जा॒यते॑ । तान् । रु॒द्राः । अ॒ब्रुव॑न् । प्रेति॑
। यू॒यम् । अ॒ज॒नि॒द्वम् । व॒यम् । प्रेति॑ । जा॒याम॑है । इति॑ । तम् । रु॒द्रेभ्यः॑ । प्रेति॑ ।
अ॒य॒च्छन् । तम् । षट् । अ॒हा॒नि । अ॒बि॒भुः । तेन॑ । त्रीणि॑ । च । श॒तानि॑ । असृ॑जन्त
। त्रय॑स्त्रि॒शत॑मिति॑ त्रयः - त्रि॒श॒तम् । च । तस्मा॑त् । षट्॒हमि॑ति॑ षट् - अ॒हम् । भा॒र्यः ।

प्रेतिं । ए॒व । जा॒य॒ते । तान् । आ॒दि॒त्याः । अ॒ब्रु॒व॒न् । प्रेतिं । यू॒यम् । अ॒ज॒नि॒द्वम् । व॒यम् । 13

TS 5.5.2.7

प्रेतिं । जा॒या॒म॒है । इतिं । तम् । आ॒दि॒त्ये॒भ्यः । प्रेतिं । अ॒य॒च्छ॒न् । तम् । द्वा॒द॒श । अ॒हा॒नि । अ॒बि॒भ॒रुः । तेनं । त्रीणि । च । श॒तानिं । अ॒सृ॒ज॒न्त । त्रय॑स्त्रि॒ंश॒त॒मि॒ति । त्रयः - त्रि॒ंश॒त॒म् । च । तस्मा॑त् । द्वा॒द॒शा॒ह॒मि॒तिं द्वा॒द॒श - अ॒हम् । भा॒र्यः । प्रेतिं । ए॒व । जा॒य॒ते । तेनं । वै । ते । स॒हस्र॑म् । अ॒सृ॒ज॒न्त । उ॒खाम् । स॒ह॒स्र॒त॒मी॒मि॒तिं स॒ह॒स्र - त॒मी॒म् । यः । ए॒वम् । उ॒ख्य॑म् । सा॒ह॒स्रम् । वेदं । प्रेतिं । स॒ह॒स्र॑म् । प॒शून् । आ॒प्नो॒ति ॥ 14

(अ॒ग्नि॒वान् - प॑शु॒मानं॑सा॒नीति॑ वा अ॒ग्नि - र्द्ध॑विष्ये - मृ॒शेत् प्र॑जाप॒ति॒स्त्वा सा॑द॒य॒तु तया॑ दे॒वत॑याऽङ्गि॒र॒स्व ध्रु॒वा सी॑दु - तेन - ताना॑दि॒त्या अ॑ब्रु॒वन् प्र यू॒यम॑ज॒नि॒द्वं व॒यं - च॑त्वारि॒ंश॒च्च) (A2)

TS 5.5.3.1

य॒जु॒षा । वै । ए॒षा । क्रि॒य॒ते । य॒जु॒षा । प॒च्य॒ते । य॒जु॒षा । वी॒तिं । मु॒च्य॒ते । यत् । उ॒खा । सा । वै । ए॒षा । ए॒तर॑हिं । या॒त॒या॒म्री॒तिं या॒त - या॒म्री । सा । न । पु॒नः । प्र॒यु॒ज्ये॒तिं प्र - यु॒ज्या । इतिं । आ॒हुः । अ॒ग्ने । यु॒क्ष्व । हि । ये । तव॑ । यु॒क्ष्व । हि । दे॒व॒हू॒त॒मा॒नि॒तिं दे॒व - हू॒त॒मान् । इतिं । उ॒खाया॑म् । जु॒हो॒ति । तेनं । ए॒व । ए॒नाम् । पु॒नः । प्रेतिं । यु॒क्ते । तेनं । अ॒या॒त॒या॒म्री॒त्य॒या॒त - या॒म्री । यः । वै । अ॒ग्नि॒म् । यो॒गे । आ॒ग॒त॒ इ॒त्या - ग॒ते । यु॒न॒क्ति । यु॒क्ते । यु॒ञ्ज॒ानेषु॑ । अ॒ग्ने । 15

TS 5.5.3.2

यु॒क्ष्व । हि । ये । तव॑ । यु॒क्ष्व । हि । दे॒व॒हू॒त॒मा॒नि॒तिं दे॒व - हू॒त॒मान् । इतिं । आ॒हु । ए॒षः । वै । अ॒ग्नेः । यो॒गः । तेनं । ए॒व । ए॒नम् । यु॒न॒क्ति । यु॒क्ते । यु॒ञ्ज॒ानेषु॑ । ब्र॒ह्म॒वा॒दि॒न् इतिं

ब्रह्म - वादिनः । वदन्ति । न्यङ् । अग्निः । चेतव्या(3) । उत्ताना(3) इत्युत् - ताना(3) । इति । वयंसाम् । वै । एषः । प्रतिमयेति प्रति - मया । चीयते । यत् । अग्निः । यत् । न्यञ्चम् । चिनुयात् । पृष्टितः । एनम् । आहुतय इत्या - हुतयः । ऋच्छेयुः । यत् । उत्तानमित्युत्-तानम् । न । पतितुम् । शक्रुयात् । असुवर्ग्य इत्यसुवः-ग्यः । अस्य । स्यात् । प्राचीनम् । उत्तानमित्युत्-तानम् । 16

TS 5.5.3.3

पुरुषशीरुषमिति पुरुष-शीरुषम् । उपेति । दधाति । मुखतः । एव । एनम् । आहुतय इत्या - हुतयः । ऋच्छन्ति । न । उत्तानमित्युत्-तानम् । चिनुते । सुवर्ग्य इति सुवः - ग्यः । अस्य । भवति । सौर्या । जुहोति । चक्षुः । एव । अस्मिन् । प्रतीति । दधाति । द्विः । जुहोति । द्वे इति । हि । चक्षुषी इति । समान्या । जुहोति । समानम् । हि । चक्षुः । समृद्ध्या इति सं - ऋद्ध्यै । देवासुरा इति देव - असुराः । संयत्ता इति सं - यत्ताः । आसन् । ते । वामम् । वसु । सम् । नीति । अदधत् । तत् । देवाः । वामभृतेति वाम - भृता । अवृञ्चत् । तत् । वामभृत इति वाम - भृतः । वामभृत्वमिति वामभृत - त्वम् । यत् । वामभृतमिति वाम - भृतम् () । उपदधातीत्युप - दधाति । वामम् । एव । तया । वसु । यजमानः । भ्रातृव्यस्य । वृद्धे । हिरण्यमूद्धीति हिरण्य - मूद्धी । भवति । ज्योतिः । वै । हिरण्यम् । ज्योतिः । वामम् । ज्योतिषा । एव । अस्य । ज्योतिः । वामम् । वृद्धे । द्वियजुरिति द्वि-यजुः । भवति । प्रतिष्ठित्या इति प्रति-स्थित्यै ॥ 17

(युञ्जानेष्वग्ने-प्राचीनमुत्तानं - वामभृतं - चतुर्विंशतिश्च) (A3)

TS 5.5.4.1

आपः । वरुणस्य । पत्नयः । आसन् । ताः । अग्निः । अभीति । अद्व्यायत् । ताः । समिति । अभवत् । तस्य । रेतः । परेति । अपतत् । तत् । इयम् । अभवत् ।

यत् । द्वितीयम् । पुरापतदिति परा - अपतत् । तत् । असौ । अभवत् । इयम् । वै ।
विराडिति वि - राट् । असौ । स्वराडिति स्व - राट् । यत् । विराजाविति वि - राजौ ।
उपदधातीत्युप-दधाति । इमे इति । एव । उपेति । धत्ते । यत् । वै । असौ । रेतः ।
सिञ्चति । तत् । अस्याम् । प्रतीति । तिष्ठति । तत् । प्रेति । जायते । ताः । ओषधयः । 18

TS 5.5.4.2

वीरुधः । भवन्ति । ताः । अग्निः । अत्ति । यः । एवम् । वेदं । प्रेति । एव । जायते ।
अन्नाद इत्यन्न - अदः । भवति । यः । रेतस्वी । स्यात् । प्रथमायाम् । तस्य । चित्याम् ।
उभे इति । उपेति । दुद्ध्यात् । इमे इति । एव । अस्मै । समीची इति । रेतः । सिञ्चतः
। यः । सिक्तेरेता इति सिक्त - रेताः । स्यात् । प्रथमायाम् । तस्य । चित्याम् । अन्याम् ।
उपेति । दुद्ध्यात् । उत्तमायामित्युत्-तमायाम् । अन्याम् । रेतः । एव । अस्य । सिक्तम् ।
आभ्याम् । उभयतः । परीति । गृह्णाति । संवत्सरमिति सं - वत्सरम् । न । कम् । 19

TS 5.5.4.3

चन । प्रत्यवरोहेदिति प्रति - अवरोहेत् । न । हि । इमे इति । कम् । चन । प्रत्यवरोहेत्
इति प्रति - अवरोहेतः । तत् । एनयोः । व्रतम् । यः । वै । अपशीरूषाणमित्यप -
शीरूषाणम् । अग्निम् । चिनुते । अपशीरूषेत्यप - शीरूषा । अमुष्मिन् । लोके । भवति
। यः । सशीरूषाणमिति स - शीरूषाणम् । चिनुते । सशीरूषेति स - शीरूषा । अमुष्मिन्
। लोके । भवति । चित्तिम् । जुहोमि । मनसा । घृतेन । यथा । देवाः । इह ।
आगमन्नित्या - गमन् । वीतिहोत्रा इति वीति - होत्राः । ऋतावृध इत्यृत - वृधः । समुद्रस्य
। वयुनस्य । पत्मन् । जुहोमि । विश्वकर्मण इति विश्व - कर्मणे । विश्वा । अहां । अमर्त्यम्
। हविः । इति । स्वयमातृणामिति स्वयं - आतृणाम् । उपधायेत्युप - धाय । जुहोति । 20

TS 5.5.4.4

एतत् । वै । अग्नेः । शिरः । सशीरूषाणमिति स - शीरूषाणम् । एव । अग्निम् । चिनुते । सशीरूषेति स - शीरूषा । अमुष्मिन् । लोके । भवति । यः । एवम् । वेदं । सुवर्गायेति सुवः - गायं । वै । एषः । लोकायं । चीयते । यत् । अग्निः । तस्यं । यत् । अयथापूर्वमित्ययथा - पूर्वम् । क्रियते । असुवर्ग्यमित्यसुवः-ग्यम् । अस्य । तत् । सुवर्ग्यं इति सुवः - ग्यः । अग्निः । चित्तिम् । उपधायेत्युप - धायं । अभीति । मृशेत् । चित्तिम् । अचित्तिम् । चिनुवत् । वीति । विद्वान् । पृष्ठा । इव । वीता । वृजिना । च । मर्तान् । राये । च । नः । स्वपत्यायेति सु - अपत्यायं () । देव । दितिम् । च । रास्वं । अदितिम् । उरुष्य । इति । यथापूर्वमिति यथा - पूर्वम् । एव । एनाम् । उपेति । धत्ते । प्राञ्चम् । एनम् । चिनुते । सुवर्ग्यं इति सुवः - ग्यः । अस्य । भवति ॥ 21

(ओषधयः - कं - जुहोति - स्वपत्याया - षादश च) (A4)

TS 5.5.5.1

विश्वकर्मेति विश्व - कर्मा । दिशाम् । पतिः । सः । नः । पशून् । पातु । सः । अस्मान् । पातु । तस्मै । नमः । प्रजापतिरिति प्रजा - पतिः । रुद्रः । वरुणः । अग्निः । दिशाम् । पतिः । सः । नः । पशून् । पातु । सः । अस्मान् । पातु । तस्मै । नमः । एताः । वै । देवताः । एतेषाम् । पशूनाम् । अधिपतय इत्यधि - पतयः । ताभ्यः । वै । एषः । एति । वृश्च्यते । यः । पशुशीरूषाणीति पशु - शीरूषाणि । उपदधातीत्युप - दधाति । हिरण्येष्टका इति हिरण्य - इष्टकाः । उपेति । दुधाति । एताभ्यः । एव । देवताभ्यः । नमः । करोति । ब्रह्मवादिन इति ब्रह्म - वादिनः । 22

TS 5.5.5.2

वदन्ति । अग्नौ । ग्राम्यान् । पशून् । प्रेति । दुधाति । शुचा । आरुण्यान् । अर्पयति । किम् । ततः । उदिति । शिषति । इति । यत् । हिरण्येष्टका इति हिरण्य - इष्टकाः ।

उप॒दधा॒तीत्यु॑प-दधा॑ति । अ॒मृ॒तम् । वै । हि॒र॒ण्यम् । अ॒मृ॒तेन॑ । ए॒व । ग्रा॒म्येभ्यः॑ । प॒शुभ्य॑
इति॑ प॒शु - भ्यः॑ । भे॒ष॒जम् । क॒रो॒ति । न । ए॒ना॒न् । हि॒न॒स्ति । प्रा॒ण इति॑ प्र - अ॒नः ।
वै । प्र॒थ॒मा । स्व॒य॒मा॒तृ॒ण्णेति॑ स्वयं - आ॒तृ॒ण्णा । व्या॒न इति॑ वि - अ॒नः । द्वि॒तीया॑ । अ॒पा॒न
इत्य॑प-अ॒नः । तृ॒तीया॑ । अ॒नु॒ । प्रेति॑ । अ॒न्या॒त् । प्र॒थ॒माम् । स्व॒य॒मा॒तृ॒ण्णामिति॑ स्वयं -
आ॒तृ॒ण्णाम् । उ॒प॒धा॒येत्यु॑प - धायं । प्रा॒णेनेति॑ प्र - अ॒नेन॑ । ए॒व । प्रा॒णमिति॑ प्र - अ॒नम् ।
समिति॑ । अ॒र्ध॒यति॑ । वीति॑ । अ॒न्या॒त् । 23

TS 5.5.5.3

द्वि॒तीया॑म् । उ॒प॒धा॒येत्यु॑प - धायं । व्या॒नेनेति॑ वि - अ॒नेन॑ । ए॒व । व्या॒नमिति॑ वि - अ॒नम् ।
समिति॑ । अ॒र्ध॒यति॑ । अ॒पेति॑ । अ॒न्या॒त् । तृ॒तीया॑म् । उ॒प॒धा॒येत्यु॑प - धायं । अ॒पा॒नेनेत्य॑प -
अ॒नेन॑ । ए॒व । अ॒पा॒नमित्य॑प - अ॒नम् । समिति॑ । अ॒र्ध॒यति॑ । अथो॑ इति॑ । प्रा॒णैरिति॑ प्र -
अ॒नैः । ए॒व । ए॒नम् । समिति॑ । इ॒न्धे । भूः । भुवः॑ । सुवः॑ । इति॑ । स्व॒य॒मा॒तृ॒ण्णा इति॑
स्वयं-आ॒तृ॒ण्णाः । उपेति॑ । दु॒धा॒ति । इ॒मे । वै । लो॒काः । स्व॒य॒मा॒तृ॒ण्णा इति॑ स्वयं-आ॒तृ॒ण्णाः
। ए॒ताभिः॑ । खलु॑ । वै । व्या॒ह॒तीभि॑रिति॑ व्या॒ह॒ति - भिः॑ । प्र॒जाप॑तिरिति॑ प्र॒जा - प॒तिः । प्रेति॑
। अ॒जा॒य॒त॒ । यत् । ए॒ताभिः॑ । व्या॒ह॒तीभि॑रिति॑ व्या॒ह॒ति - भिः॑ । स्व॒य॒मा॒तृ॒ण्णा इति॑ स्वयं -
आ॒तृ॒ण्णाः । उ॒प॒दधा॒तीत्यु॑प - दधा॑ति । इ॒मान् । ए॒व । लो॒कान् । उ॒प॒धा॒येत्यु॑प - धायं । ए॒षु
। 24

TS 5.5.5.4

लो॒केषु॑ । अधि॑ । प्रेति॑ । जा॒य॒ते । प्रा॒णायेति॑ प्र - अ॒नायं॑ । व्या॒नायेति॑ वि - अ॒नायं॑ ।
अ॒पा॒नायेत्य॑प - अ॒नायं॑ । वा॒चे । त्वा॒ । चक्षु॑षे । त्वा॒ । तया॑ । दे॒वत॑या । अ॒ङ्गि॒र॒स्वत् ।
ध्रु॒वा । सी॒द॒ । अ॒ग्नि॒ना॑ । वै । दे॒वाः । सु॒व॒र्गमिति॑ सु॒वः - गम् । लो॒कम् । अ॒जि॒गा॒स॒न् ।
। तेन॑ । प॒र्तितु॑म् । न । अ॒श॒क्रु॒व॒न् । ते । ए॒ताः । च॒त॒स्रः । स्व॒य॒मा॒तृ॒ण्णा इति॑ स्वयं -
अ॒तृ॒ण्णाः । अ॒प॒श्य॒न् । ताः । दि॒क्षु । उपेति॑ । अ॒दु॒ध॒त् । तेन॑ । स॒र्वत॑श्चक्षु॑षेति॑ स॒र्वतः॑ -

चक्षुषा । सुवर्गमिति सुवः - गम् । लोकम् । आयन् । यत् । चतस्रः । स्वयमातृणा इति
स्वयं - आतृणाः । दिक्षु । उपदधातीत्युप - दधाति । सर्वतश्चक्षुषेति सर्वतः - चक्षुषा । एव
। तत् । अग्निना । यजमानः () । सुवर्गमिति सुवः - गम् । लोकम् । एति ॥ 25

(ब्रह्मवादिनो - व्यन्या - देषु - यजमान - स्त्रीणि च) (A5)

TS 5.5.6.1

अग्ने । एति । याहि । वीतये । इति । आह । अहंत । एव । एनम् । अग्निम् । दूतम्
। वृणीमहे । इति । आह । हूत्वा । एव । एनम् । वृणीते । अग्निना । अग्निः । समिति
। इद्व्यते । इति । आह । समिति । इन्धे । एव । एनम् । अग्निः । वृत्राणि । जङ्घनत्
। इति । आह । समिद्ध इति सं - इद्धे । एव । अस्मिन् । इन्द्रियम् । दुधाति । अग्नेः
। स्तोमम् । मनामहे । इति । आह । मनुते । एव । एनम् । एतानि । वै । अहाम् ।
रूपाणि । 26

TS 5.5.6.2

अन्वहमित्यनु - अहम् । एव । एनम् । चिनुते । अवेति । अहाम् । रूपाणि । रुन्धे
। ब्रह्मवादिन इति ब्रह्म-वादिनः । वदन्ति । कस्मात् । सत्यात् । यातयाम्रीरिति यात -
याम्रीः । अन्याः । इष्टकाः । अयातयाम्रीत्ययात-याम्री । लोकपृणोति लोकं - पृणा । इति ।
ऐन्द्राग्रीत्यैन्द्र-अग्री । हि । बारूहस्पत्या । इति । ब्रूयात् । इन्द्राग्री इतीन्द्र - अग्री । च ।
हि । देवानाम् । बृहस्पतिः । च । अयातयामान इत्ययात - यामानः । अनुचरवतीत्यनुचर
- वती । भवति । अजामित्वायेत्यजामि-त्वाय । अनुष्टुभेत्यनु - स्तुभा । अन्विति । चरति ।
आत्मा । वै । लोकपृणोति लोकं - पृणा । प्राण इति प्र - अनः । अनुष्टुबित्यनु - स्तुप् ।
तस्मात् । प्राण इति प्र - अनः । सर्वाणि । अङ्गानि । अन्विति । चरति । ताः । अस्य ।
सूददोहस इति सूद - दोहसः । 27

TS 5.5.6.3

इति । आह । तस्मात् । परुषिपरुषीति परुषि - परुषि । रसः । सोमम् । श्रीणन्ति । पृथयः । इति । आह । अन्नम् । वै । पृथि । अन्नम् । एव । अवेति । रुन्धे । अर्कः । वै । अग्निः । अर्कः । अन्नम् । अन्नम् । एव । अवेति । रुन्धे । जन्मन् । देवानाम् । विशः । त्रिषु । एति । रोचने । दिवः । इति । आह । इमान् । एव । अस्मै । लोकान् । ज्योतिष्मतः । करोति । यः । वै । इष्टकानाम् । प्रतिष्ठामिति प्रति - स्थाम् । वेद । प्रतीति । एव । तिष्ठति । तयाँ () । देवतया । अङ्गिरस्वत् । ध्रुवा । सीद । इति । आह । एषा । वै । इष्टकानाम् । प्रतिष्ठेति प्रति - स्था । यः । एवम् । वेद । प्रतीति । एव । तिष्ठति ॥ 28

(रूपाणि - सूददोहस - स्तया - षोडश च) (A6)

TS 5.5.7.1

सुवर्गायेति सुवः - गाय । वै । एषः । लोकाय । चीयते । यत् । अग्निः । वज्रः । एकादुशिनी । यत् । अग्नौ । एकादुशिनीम् । मिनुयात् । वज्रेण । एनम् । सुवर्गादिति सुवः - गात् । लोकात् । अन्तः । दुद्ध्यात् । यत् । न । मिनुयात् । स्वरुभिरिति स्वरु-भिः । पशून् । वीति । अर्द्धयेत् । एकयूपमित्येक - यूपम् । मिनोति । न । एनम् । वज्रेण । सुवर्गादिति सुवः - गात् । लोकात् । अन्तर्दधातीत्यन्तः - दधाति । न । स्वरुभिरिति स्वरु-भिः । पशून् । वीति । अर्द्धयति । वीति । वै । एषः । इन्द्रियेण । वीर्येण । ऋद्धयते । यः । अग्निम् । चिन्वन् । अधिक्रामतीत्यधि - क्रामति । ऐन्द्रिया । 29

TS 5.5.7.2

ऋचा । आक्रमणमित्याँ - क्रमणम् । प्रतीति । इष्टकाम् । उपेति । दुद्ध्यात् । न । इन्द्रियेण । वीर्येण । वीति । ऋद्धयते । रुद्रः । वै । एषः । यत् । अग्निः । तस्य । तिस्रः ।

शर॒व्याः । प्र॒तीचीं । ति॒रश्चीं । अ॒नूचीं । ता॒भ्यः । वै । ए॒षः । ए॒तिं । वृ॒श्च॒यते । यः ।
अ॒ग्निम् । चि॒नुते । अ॒ग्निम् । चि॒त्वा । ति॒सृ॒ध॒न्वमि॒तिं ति॒सृ - ध॒न्वम् । अ॒या॒चितम् । ब्रा॒ह्म॒णाय॑
। दु॒द्यात् । ता॒भ्यः । ए॒व । नमः॑ । क॒रोति॑ । अथो॒ इति॑ । ता॒भ्यः । ए॒व । आ॒त्मान॑म् ।
नि॒रिति॑ । क्री॒णीते॑ । यत् । ते । रु॒द्र । पु॒रः । 30

TS 5.5.7.3

ध॒नुः । तत् । वा॒तः । अ॒न्विति॑ । वा॒तु । ते । तस्मै॑ । ते । रु॒द्र । स॒व॒त्स॒रेणे॒ति सं -
व॒त्स॒रेण॑ । नमः॑ । क॒रोमि॑ । यत् । ते । रु॒द्र । दु॒क्षिणा॑ । ध॒नुः । तत् । वा॒तः । अ॒न्विति॑
। वा॒तु । ते । तस्मै॑ । ते । रु॒द्र । प॒रि॒व॒त्स॒रेणे॒ति प॒रि - व॒त्स॒रेण॑ । नमः॑ । क॒रोमि॑ । यत् ।
ते । रु॒द्र । प॒श्चात् । ध॒नुः । तत् । वा॒तः । अ॒न्विति॑ । वा॒तु । ते । तस्मै॑ । ते । रु॒द्र ।
इ॒दा॒व॒त्स॒रेण॑ । नमः॑ । क॒रोमि॑ । यत् । ते । रु॒द्र । उ॒त्तरा॑दि॒त्युत् - त॒रात् । ध॒नुः । तत् । 31

TS 5.5.7.4

वा॒तः । अ॒न्विति॑ । वा॒तु । ते । तस्मै॑ । ते । रु॒द्र । इ॒दु॒व॒त्स॒रेणे॒तीदु॑ - व॒त्स॒रेण॑ । नमः॑ ।
क॒रोमि॑ । यत् । ते । रु॒द्र । उ॒परि॑ । ध॒नुः । तत् । वा॒तः । अ॒न्विति॑ । वा॒तु । ते । तस्मै॑ ।
ते । रु॒द्र । व॒त्स॒रेण॑ । नमः॑ । क॒रोमि॑ । रु॒द्रः । वै । ए॒षः । यत् । अ॒ग्निः । सः । यथा॑ ।
व्या॒घ्रः । क्रु॒द्धः । तिष्ठ॑ति । ए॒वम् । वै । ए॒षः । ए॒तर॒हिं । सञ्चि॑त॒मिति॑ सं - चि॒तम् । ए॒तैः
। उ॒पेति॑ । तिष्ठ॑ते । न॒म॒स्का॒रैरिति॑ नमः॑-का॒रैः । ए॒व । ए॒नम् । श॒म॒यति॑ । ये । अ॒ग्नयः॑ । 32

TS 5.5.7.5

पु॒री॒ष्याः । प्र॒विष्टा॑ इति॑ प्र - वि॒ष्टाः । पृ॒थि॒वीम् । अनु॑ ॥ तेषा॑म् । त्वम् । अ॒सि । उ॒त्त॒म
इ॒त्युत् - त॒मः । प्रे॒तिं । नः । जी॒वा॒त॒वे । सु॒व ॥ आप॑म् । त्वा । अ॒ग्ने । म॒न॒सा । आप॑म्
। त्वा । अ॒ग्ने । त॒प॒सा । आप॑म् । त्वा । अ॒ग्ने । दी॒क्षया॑ । आप॑म् । त्वा । अ॒ग्ने ।
उ॒प॒स॒द्भि॒रित्यु॑प॒सत् - भिः । आप॑म् । त्वा । अ॒ग्ने । सु॒त्यया॑ । आप॑म् । त्वा । अ॒ग्ने ।

दक्षिणाभिः । आप॑म् । त्वा॒ । अ॒ग्ने॒ । अ॒व॒भृ॒थेनेत्य॑व - भृ॒थेन॑ । आप॑म् । त्वा॒ । अ॒ग्ने॒ ।
व॒शया॑ । आप॑म् । त्वा॒ । अ॒ग्ने॒ । स्व॒गा॒का॒रेणेति॑ स्व॒गा - का॒रेण॑ । इति॑ । आ॒ह () । ए॒षा
। वै । अ॒ग्नेः॒ । आ॒प्तिः॒ । तया॑ । ए॒व । ए॒न॒म् । आ॒प्नो॒ति ॥ 33

(ऐन्द्रिया - पुर - उत्तराद्धनुस्त- दुग्गय - आहा - षौ च) (A7)

TS 5.5.8.1

गा॒य॒त्रेण॑ । पु॒रस्ता॑त् । उ॒पेति॑ । ति॒ष्ठते॒ । प्रा॒णमि॑ति॒ प्र - अ॒न॒म् । ए॒व । अ॒स्मि॒न् । दु॒धा॒ति॒ ।
। बृ॒ह॒द्र॒थ॒न्तरा॑भ्यामि॒ति॒ बृ॒हत् - र॒थ॒न्तरा॑भ्याम् । प॒क्षौ । ओ॒जः॒ । ए॒व । अ॒स्मि॒न् । दु॒धा॒ति॒ ।
ऋ॒तु॒स्था॒य॒ज्ञाय॑ज्ञियेन । पु॒च्छ॑म् । ऋ॒तु॒षु॒ । ए॒व । प्र॒तीति॑ । ति॒ष्ठति॒ । पृ॒ष्ठैः॒ । उ॒पेति॑ । ति॒ष्ठते॒
। ते॒जः॒ । वै । पृ॒ष्ठानि॑ । ते॒जः॒ । ए॒व । अ॒स्मि॒न् । दु॒धा॒ति॒ । प्र॒जाप॑तिरि॒ति॒ प्र॒जा - प॒तिः॒
। अ॒ग्नि॒म् । अ॒सृ॒ज॒त् । सः॒ । अ॒स्मा॒त् । सृ॒ष्टः॒ । परा॑ङ् । ऐ॒त् । तम् । वा॒र॒व॒न्तीये॑नेति॒
वा॒र - व॒न्तीये॑न । अ॒वा॒र॒य॒त् । तत् । वा॒र॒व॒न्तीय॑स्येति॒ वा॒र - व॒न्तीय॑स्य । वा॒र॒व॒न्तीय॑त्वमि॒ति॒
वा॒र॒व॒न्तीय॑ - त्वम् । श्ये॑तेन॒ । श्ये॑ती । अ॒कुरु॑त् । तत् । श्ये॑तस्य॒ । श्ये॑त॒त्वमि॒ति॒ श्ये॑त -
त्वम् । 34

TS 5.5.8.2

यत् । वा॒र॒व॒न्तीये॑नेति॒ वा॒र - व॒न्तीये॑न । उ॒प॒ति॒ष्ठ॒त् इत्यु॑प - ति॒ष्ठते॒ । वा॒र॒य॑ते । ए॒व । ए॒न॒म्
। श्ये॑तेन॒ । श्ये॑ती । कुरु॑ते । प्र॒जाप॑ते॒र॒हृद॑येन । अ॒पि॒प॒क्षमि॑त्य॒पि - प॒क्षम् । प्र॒ति॒ । उ॒पेति॑
। ति॒ष्ठते॒ । प्रे॒माण॑म् । ए॒व । अ॒स्य॒ । ग॒च्छ॑ति॒ । प्रा॒च्या॑ । त्वा॒ । दि॒शा । सा॒दु॒या॒मि॒ ।
गा॒य॒त्रेण॑ । छ॒न्द॑सा । अ॒ग्नि॒ना॑ । दे॒वत॑या । अ॒ग्नेः॒ । शी॒र्ष्णा॑ । अ॒ग्नेः॒ । शि॒रः॒ । उ॒पेति॑ ।
दु॒धा॒मि॒ । दक्षि॑णया । त्वा॒ । दि॒शा । सा॒दु॒या॒मि॒ । त्रै॒ष्टु॒भेन॑ । छ॒न्द॑सा । इ॒न्द्रे॑ण । दे॒वत॑या ।
अ॒ग्नेः॒ । प॒क्षे॑ण॒ । अ॒ग्नेः॒ । प॒क्षम् । उ॒पेति॑ । दु॒धा॒मि॒ । प्र॒ती॒च्या॑ । त्वा॒ । दि॒शा । सा॒दु॒या॒मि॒
। 35

TS 5.5.8.3

जाग॑तेन । छन्द॑सा । स॒वि॒त्रा । दे॒वत॑या । अ॒ग्नेः । पु॒च्छे॑न । अ॒ग्नेः । पु॒च्छ॑म् । उपेति॑
 । दु॒धामि॑ । उदी॑च्या । त्वा । दि॒शा । सा॒दया॑मि । आनु॑ष्टुभे॒नेत्यानु॑ - स्तु॒भेन॑ । छन्द॑सा ।
 मि॒त्रावरु॑णाभ्या॒मिति॑ मि॒त्रा-वरु॑णाभ्याम् । दे॒वत॑या । अ॒ग्नेः । प॒क्षे॑ण । अ॒ग्नेः । प॒क्ष॑म् । उपेति॑
 । दु॒धामि॑ । ऊ॒र्ध्वया॑ । त्वा । दि॒शा । सा॒दया॑मि । पा॒ङ्केन॑ । छन्द॑सा । बृ॒हस्प॑ति॒ना ।
 दे॒वत॑या । अ॒ग्नेः । पृ॒ष्ठेन॑ । अ॒ग्नेः । पृ॒ष्ठ॑म् । उपेति॑ । दु॒धामि॑ । यः । वै । अपा॑त्मान॒मित्यप॑-
 आ॒त्मान॑म् । अ॒ग्निम् । चि॒नुते॑ । अपा॑त्मेत्यप॑ - आ॒त्मा । अ॒मुष्मि॑न् । लो॒के । भ॒वति॑ । यः
 । सा॒त्मान॑मिति॒ स - आ॒त्मान॑म् । चि॒नुते॑ () । सा॒त्मेति॑ स-आ॒त्मा । अ॒मुष्मि॑न् । लो॒के ।
 भ॒वति॑ । आ॒त्मेष्ट॑का इत्या॑त्म-इष्ट॒काः । उपेति॑ । दु॒धाति॑ । ए॒षः । वै । अ॒ग्नेः । आ॒त्मा ।
 सा॒त्मान॑मिति॒ स-आ॒त्मान॑म् । ए॒व । अ॒ग्निम् । चि॒नुते॑ । सा॒त्मेति॑ स - आ॒त्मा । अ॒मुष्मि॑न् ।
 लो॒के । भ॒वति॑ । यः । ए॒वम् । वेद॑ ॥ 36

(इयै॒तत्त्वं - प्र॒तीच्या॑ त्वा दि॒शा सा॑दयामि - यः सा॒त्मानं॑ चि॒नुते॑ - द्वावि॑ंशतिश्च) (A8)

TS 5.5.9.1

अ॒ग्ने । उ॒दुध॑ इत्यु॑द - धे । या । ते । इ॒ष्टुः । यु॒वा । नाम॑ । तया॑ । नः । मृ॒ड
 । तस्याः॑ । ते । नमः॑ । तस्याः॑ । ते । उपेति॑ । जी॒वन्तः॑ । भू॒यास्म॑ । अ॒ग्ने ।
 दु॒द्ध । ग॒ह्व । कि॒श्शिल॑ । व॒न्य । या । ते । इ॒ष्टुः । यु॒वा । नाम॑ । तया॑ । नः ।
 मृ॒ड । तस्याः॑ । ते । नमः॑ । तस्याः॑ । ते । उपेति॑ । जी॒वन्तः॑ । भू॒यास्म॑ । प॒ञ्च । वै
 । ए॒ते । अ॒ग्रयः॑ । यत् । चि॒तयः॑ । उ॒दुधिरि॑त्यु॑द - धिः । ए॒व । नाम॑ । प्र॒थमः॑ । दु॒द्धः । 37

TS 5.5.9.2

द्वि॒तीयः॑ । ग॒ह्वः । तृ॒तीयः॑ । कि॒श्शिलः॑ । च॒तुर्थः॑ । व॒न्यः॑ । प॒ञ्चमः॑ । ते॒भ्यः॑ । यत्

। आहु॑ती॒रित्या - हु॒तीः । न । जुहु॑यात् । अ॒द्ध्यु॑म् । च । यज॑मानम् । च । प्रेति॑ ।
 द॒हेयुः । यत् । ए॒ताः । आहु॑ती॒रित्या - हु॒तीः । जुहो॑ति । भा॒ग॒धेये॑नेति॑ भा॒ग॒धेये॑न । ए॒व
 । ए॒नान् । श॒म॒य॒ति । न । आ॒र्ति॑म् । ए॒ति । ऋ॒च्छ॒ति । अ॒द्ध्युः । न । यज॑मानः ।
 वाक् । मे । आ॒स॒न् । न॒सोः । प्रा॒ण इति॑ प्र - अ॒नः । अ॒क्ष्योः । चक्षुः॑ । कर्ण॑योः ।
 श्रोत्र॑म् । बा॒हु॒वोः । बल॑म् । ऊ॒रु॒वोः । ओजः॑ । अ॒रि॑ष्टा । वि॒श्वानि॑ । अ॒ङ्गानि॑ । त॒नूः । 38

TS 5.5.9.3

त॒नुवा॑ । मे । स॒ह । नमः॑ । ते । अ॒स्तु । मा । मा । हि॒सीः । अपे॑ति । वै । ए॒तस्मा॑त् ।
 प्रा॒णा इति॑ प्र - अ॒नाः । क्रा॒म॒न्ति । यः । अ॒ग्नि॑म् । चि॒न्वन् । अ॒धिक्रा॑म॒तीत्य॑धि - क्रा॒म॒ति ।
 वाक् । मे । आ॒स॒न् । न॒सोः । प्रा॒ण इति॑ प्र - अ॒नः । इति॑ । आ॒ह । प्रा॒णानि॑ति॑ प्र - अ॒नान् ।
 । ए॒व । आ॒त्म॒न् । ध॒त्ते । यः । रु॒द्रः । अ॒ग्नौ । यः । अ॒प्स्वि॒त्यप् - सु । यः । ओष॑धीषु
 । यः । रु॒द्रः । वि॒श्वौ । भुव॑ना । आ॒वि॒वेशे॑त्या॑ - वि॒वेश॑ । तस्मै॑ । रु॒द्राय॑ । नमः॑ । अ॒स्तु
 । आहु॑ति॒भागा॑ इत्याहु॑ति - भा॒गाः । वै । अ॒न्ये । रु॒द्राः । ह॒विर्भा॑गा इति॑ ह॒विः - भा॒गाः । 39

TS 5.5.9.4

अ॒न्ये । श॒त॒रु॒द्रीय॑मिति॑ श॒त - रु॒द्रीय॑म् । हु॒त्वा । गा॒वी॒धुक॑म् । च॒रुम् । ए॒तेन॑ । यजु॑षा ।
 च॒रुमा॑या॑म् । इष्ट॑का॒याम् । नीति॑ । द॒द्ध्यात् । भा॒ग॒धेये॑नेति॑ भा॒ग॒धेये॑न । ए॒व । ए॒नम् ।
 श॒म॒य॒ति । तस्य॑ । तु । वै । श॒त॒रु॒द्रीय॑मिति॑ श॒त - रु॒द्रीय॑म् । हु॒तम् । इति॑ । आ॒हुः ।
 यस्य॑ । ए॒तत् । अ॒ग्नौ । क्रि॒यते॑ । इति॑ । वस॑वः । त्वा । रु॒द्रैः । पु॒रस्ता॑त् । पा॒न्तु ।
 पि॒तरः॑ । त्वा । य॒मरा॑जान् इति॑ य॒म - रा॒जानः॑ । पि॒तृभि॑रिति॑ पि॒तृ - भिः । दक्षि॑णतः । पा॒न्तु
 । आ॒दि॒त्याः । त्वा । वि॒श्वैः । दे॒वैः । प॒श्चात् । पा॒न्तु । द्यु॒तानः॑ । त्वा । मा॒रुतः॑ ।
 म॒रुद्भि॑रिति॑ म॒रुत् - भिः । उ॒त्तर॑त इत्यु॑त् - त॒रतः॑ । पा॒तु । 40

TS 5.5.9.5

दे॒वाः । त्वा॒ । इन्द्रं॑ज्ये॒ष्ठा इतीन्द्रं॑ - ज्ये॒ष्ठाः । वरु॑णरा॒जान् इति॑ वरु॑ण - रा॒जा॒नः । अध॑स्ता॒त् ।
 । च॒ । उ॒परि॑ष्ठात् । च॒ । पा॒न्तु । न । वै । ए॒तेन॑ । पू॒तः । न । मे॒द्वयः॑ । न । प्रोक्षि॑त॒
 इति॑ प्र - उ॒क्षितः॑ । यत् । ए॒न॒म् । अतः॑ । प्रा॒चीन॑म् । प्रोक्ष॑तीति॑ प्र - उ॒क्षति॑ । यत् ।
 सञ्चि॑तमिति॑ सं - चि॒तम् । आ॒ज्येन॑ । प्रोक्ष॑तीति॑ प्र - उ॒क्षति॑ । तेन॑ । पू॒तः । तेन॑ । मे॒द्वयः॑
 । तेन॑ । प्रोक्षि॑त॒ इति॑ प्र-उ॒क्षितः॑ ॥ 41

(दुध - स्तनू - हविर्भागाः - पातु - द्वात्रिंशच्च) (A9)

TS 5.5.10.1

स॒मीची॑ । नामं॑ । अ॒सि । प्रा॒ची॑ । दिक् । तस्याः॑ । ते । अ॒ग्निः । अधि॑पतिरित्यधि॑ - प॒तिः
 । अ॒सितः॑ । र॒क्षिता॑ । यः । च॒ । अधि॑पतिरित्यधि॑-प॒तिः । यः । च॒ । गो॒प्ता । ता॒भ्याम्
 । नमः॑ । तौ । नः॑ । मृ॒डय॑ताम् । ते । यम् । द्वि॒ष्मः । यः । च॒ । नः॑ । द्वेष्टि॑ । तम्
 । वा॒म् । जम्भे॑ । दु॒धामि॑ । ओ॒ज॒स्विनी॑ । नामं॑ । अ॒सि । द॒क्षिणा॑ । दिक् । तस्याः॑ । ते
 । इन्द्रः॑ । अधि॑पतिरित्यधि॑ - प॒तिः । पृ॒दा॒कुः । प्रा॒ची॑ । नामं॑ । अ॒सि । प्र॒तीची॑ । दिक् ।
 तस्याः॑ । ते । 42

TS 5.5.10.2

सोमः॑ । अधि॑पतिरित्यधि॑ - प॒तिः । स्व॒ज इति॑ स्व - जः । अ॒व॒स्थावेत्य॑व - स्था॒वा । नामं॑ ।
 अ॒सि । उ॒दीची॑ । दिक् । तस्याः॑ । ते । वरु॑णः । अधि॑पतिरित्यधि॑-प॒तिः । ति॒रश्च॑राजि॒रिति॑
 ति॒रश्च॑-रा॒जिः । अधि॑प॒त्नीत्यधि॑-प॒त्नी । नामं॑ । अ॒सि । बृ॒हती॑ । दिक् । तस्याः॑ । ते ।
 बृ॒ह॒स्पतिः॑ । अधि॑पतिरित्यधि॑ - प॒तिः । श्वि॒त्रः । व॒शिनी॑ । नामं॑ । अ॒सि । इ॒यं । दिक् ।
 तस्याः॑ । ते । यु॒मः । अधि॑पतिरित्यधि॑-प॒तिः । क॒ल्माष॑ग्री॒व इति॑ क॒ल्माष॑ - ग्री॒वः । र॒क्षिता॑
 । यः । च॒ । अधि॑पतिरित्यधि॑-प॒तिः । यः । च॒ । गो॒प्ता । ता॒भ्याम् । नमः॑ । तौ । नः॑
 । मृ॒डय॑ताम् । ते । यम् । द्वि॒ष्मः । यः । च॒ । 43

TS 5.5.10.3

नः । द्वेष्टि । तम् । वाम् । जम्भे । दुधामि । एताः । वै । देवताः । अग्निम् । चितम् ।
 । रक्षन्ति । ताभ्यः । यत् । आहुतीरित्या - हुतीः । न । जुहुयात् । अद्ध्युम् । च ।
 यजमानम् । च । ध्यायेयुः । यत् । एताः । आहुतीरित्या - हुतीः । जुहोति । भागधेयेनेति
 भाग-धेयेन । एव । एनान् । शमयति । न । आर्तिम् । एति । ऋच्छति । अद्ध्युः । न ।
 यजमानः । हेतयः । नाम । स्थ । तेषाम् । वः । पुरः । गृहाः । अग्निः । वः । इषवः
 । सुलिलः । निलिपां इति नि-लिपांः । नाम । 44

TS 5.5.10.4

स्थ । तेषाम् । वः । दुक्षिणा । गृहाः । पितरः । वः । इषवः । सगरः । वज्रिणः । नाम
 । स्थ । तेषाम् । वः । पश्चात् । गृहाः । स्वप्नः । वः । इषवः । गह्वरः । अवस्थावान्
 इत्येव - स्थावानः । नाम । स्थ । तेषाम् । वः । उत्तरादित्युत् - तरात् । गृहाः । आपः
 । वः । इषवः । समुद्रः । अधिपतय इत्यधि - पतयः । नाम । स्थ । तेषाम् । वः ।
 उपरि । गृहाः । वरूषम् । वः । इषवः । अवस्वान् । क्रव्याः । नाम । स्थ । पार्थिवाः
 । तेषाम् । वः । इह । गृहाः । 45

TS 5.5.10.5

अन्नम् । वः । इषवः । निमिष इति नि - मिषः । वातनाममिति वात - नामम् । तेभ्यः ।
 वः । नमः । ते । नः । मृडयत् । ते । यम् । द्विष्मः । यः । च । नः । द्वेष्टि ।
 तम् । वः । जम्भे । दुधामि । हुताद् इति हुत - अदः । वै । अन्ये । देवाः । अहुताद्
 इत्यहुत - अदः । अन्ये । तान् । अग्निचिदित्यग्नि - चित् । एव । उभयान् । प्रीणाति ।
 दुद्धा । मधुमिश्रेणेति मधु - मिश्रेण । एताः । आहुतीरित्या-हुतीः । जुहोति । भागधेयेनेति भाग
 - धेयेन । एव । एनान् । प्रीणाति । अथो इति । खलु । आहुः । इष्टकाः । वै । देवाः

। अहुताद् इत्यहुत - अदः । इति । 46

TS 5.5.10.6

अनुपरिक्राममित्यनु - परिक्रामम् । जुहोति । अपरिवर्गमित्यपरि - वर्गम् । एव । एनान् । प्रीणाति । इमम् । स्तनम् । ऊर्जस्वन्तम् । ध्रुवम् । अपाम् । प्रप्यातमिति प्र-प्यातम् । अग्ने । सरिरस्य । मद्भ्यम् ॥ उथ्सम् । जुषस्व । मधुमन्तमिति मधु-मन्तम् । ऊर्वम् । समुद्रियम् । सदनम् । एति । विशस्व ॥ यः । वै । अग्निम् । प्रयुज्येति प्र - युज्यम् । न । विमुञ्चतीति वि - मुञ्चति । यथा । अश्वः । युक्तः । अविमुच्यमान इत्यवि - मुच्यमानः । क्षुद्रयन्त्रम् । पराभवतीति परा - भवति । एवम् । अस्य । अग्निः । परेति । भवति । तम् । पराभवन्तमिति परा - भवन्तम् । यजमानः । अनु । परेति । भवति । सः । अग्निम् । चित्वा । लूक्षः । 47

TS 5.5.10.7

भवति । इमम् । स्तनम् । ऊर्जस्वन्तम् । ध्रुवम् । अपाम् । इति । आज्यस्य । पूर्णम् । सुचम् । जुहोति । एषः । वै । अग्नेः । विमोक इति वि - मोकः । विमुच्येति वि - मुच्यम् । एव । अस्मै । अन्नम् । अपीति । दुधाति । तस्मात् । आहुः । यः । च । एवम् । वेदम् । यः । च । न । सुधायमिति सु - धायम् । ह । वै । वाजी । सुहित इति सु - हितः । दुधाति । इति । अग्निः । वाव । वाजी । तम् । एव । तत् । प्रीणाति । सः । एनम् । प्रीतः । प्रीणाति । वसीयान् । भवति () ॥ 48

(प्रतीची दिक्तस्यास्ते-द्विष्मो यश्च-निलिम्पा ना-मे ह गृहा-इति-लूक्षो-वसीयान् भवति) (A10)

TS 5.5.11.1

इन्द्राय । राज्ञे । सूकरः । वरुणाय । राज्ञे । कृष्णः । यमाय । राज्ञे । ऋश्यः । ऋषभाय । राज्ञे । गवयः । शार्दूलाय । राज्ञे । गौरः । पुरुषराजायेति पुरुष - राजाय । मर्कटः ।

क्षिप्रश्येनस्येति क्षिप्र - श्येनस्य । वर्तिका । नीलङ्गोः । क्रिमिः । सोमस्य । राज्ञः । कुलुङ्गः । सिन्धोः । शिशुमारः । हिमवन्त इति हिम - वन्तः । हस्ती ॥

इन्द्राय राज्ञे सूकरो वरुणाय राज्ञे कृष्णो यमाय राज्ञे ऋश्यं ऋषभाय राज्ञे गवयः शार्दूलाय राज्ञे गौरः पुरुषराजाय मर्कटः क्षिप्रश्येनस्य वर्तिका नीलङ्गोः क्रिमिः सोमस्य राज्ञः कुलुङ्गः सिन्धोः शिशुमारो हिमवन्तो हस्ती ॥ 49 (इन्द्राय राज्ञे-ऽष्टाविंशतिः) (A11)

TS 5.5.12.1

मयुः । प्राजापत्य इति प्राजा - पत्यः । ऊलः । हलीक्षणः । वृषदशः । ते । धातुः । सरस्वत्यै । शारिः । श्येता । पुरुषवागिति पुरुष-वाक् । सरस्वते । शुकः । श्येतः । पुरुषवागिति पुरुष-वाक् । आरण्यः । अजः । नकुलः । शका । ते । पौष्णाः । वाचे । क्रौञ्चः ॥ 50

(मयु - स्रयोविंशतिः) (A12)

TS 5.5.13.1

अपाम् । नष्ट्रै । जषः । नाक्रः । मकरः । कुलीकयः । ते । अकूपारस्य । वाचे । पैङ्गराज इति पैङ्ग-राजः । भगाय । कुषीतकः । आती । वाहसः । दर्विदा । ते । वायव्याः । दिग्भ्य इति दिक्-भ्यः । चक्रवाकः ॥ 51

(अपा - मेकान्नविंशतिः) (A13)

TS 5.5.14.1

बलाय । अजगरः । आखुः । सृजया । शयण्डकः । ते । मैत्राः । मृत्यवै । असितः ।

म॒न्यवै॑ । स्व॒ज इति॑ स्व - जः । कु॒र्भी॒नस् इति॑ कुंभी - नसः । पु॒ष्कर॒साद॑ इति॑ पुष्कर - सादः ।
लो॒हि॒ता॒हिरि॑ति॑ लोहित-अ॒हिः । ते । त्वा॒ष्ट्राः । प्र॒ति॒श्रु॒त्का॒या इति॑ प्रति - श्रुत्का॒यै । वा॒ह॒सः
॥ 52

(बला॒या - ष्टाद॑श) (A14)

TS 5.5.15.1

पु॒रु॒ष॒मृ॒ग इति॑ पुरुष - मृ॒गः । च॒न्द्र॒म॒से । गो॒धा । का॒ल॒का । दा॒र्वा॒घा॒ट इति॑ दारु-आ॒घा॒तः ।
ते । व॒न॒स्प॒ती॒नाम् । ए॒णी । अ॒ह्वै । कृ॒ष्णः । रा॒त्रि॒यै । पि॒कः । क्षि॒व॒ङ्काः । नी॒ल॒शी॒र्ष्णी॒ति
नी॒ल - शी॒र्ष्णी । ते । अ॒र्य॒म्णे । धा॒तुः । क॒त्क॒टः ॥ 53

(पु॒रु॒ष॒मृ॒गो-ऽष्टा॑द॒श) (A15)

TS 5.5.16.1

सौ॒री । ब॒ला॒का । ऋ॒र॒यः । म॒यूरः । र॒थे॒नः । ते । ग॒न्ध॒र्वा॒णा॒म् । व॒सू॒नाम् । क॒पि॒ञ्ज॒लः ।
रु॒द्रा॒णा॒म् । ति॒त्ति॒रिः । रो॒हि॒त् । कु॒ण्ड॒ृणा॒ची । गो॒ल॒त्ति॒का । ताः । अ॒प्स॒र॒सा॒म् । अ॒र॒ण॒या॒य
। सृ॒म॒रः ॥ 54

(सौ॒र्य॑ष्टाद॒श) (A16)

TS 5.5.17.1

पृ॒ष॒तः । वै॒श्व॒दे॒व इति॑ वैश्व - दे॒वः । पि॒त्वः । न्य॒ङ्कुः । क॒शः । ते । अ॒नु॒म॒त्या इत्य॑नु -
म॒त्यै । अ॒न्य॒वा॒प इत्य॑न्य - वा॒पः । अ॒र्ध॒मा॒सा॒ना॒मि॒त्य॑र्ध - मा॒सा॒ना॒म् । मा॒साम् । क॒श्य॒पः
। क॒यिः । कु॒टरुः । दा॒त्यौ॒हः । ते । सि॒नी॒वा॒ल्यै । बृ॒ह॒स्प॒त॒ये । शि॒त्पु॒टः ॥ 55

(पृषतां- ऽष्टादश) (A17)

TS 5.5.18.1

शकाँ । भौमी । पान्त्रः । कशः । मान्थीलवः । ते । पितृणाम् । ऋतूनाम् । जहंका ।
संवत्सरायेति सं-वत्सरायं । लोपाँ । कपोतः । उलूकः । शशः । ते । नैरुऋता इति नैः -
ऋताः । कृकवाकुः । सावित्रः ॥ 56

(शका - ऽष्टादश) (A18)

TS 5.5.19.1

रुरुः । रौद्रः । कृकलासः । शकुनिः । पिप्पका । ते । शरव्यायै । हरिणः । मारुतः ।
ब्रह्मणे । शार्गः । तरक्षुः । कृष्णः । श्वा । चतुरक्ष इति चतुः - अक्षः । गर्दभः । ते ।
इतरजनानामितीतर-जनानाम् । अग्नये । धृक्ष्णाँ ॥ 57

(रुरु - विश्वश्रुतिः) (A19)

TS 5.5.20.1

अलजः । आन्तरिक्षः । उद्रः । मद्गुः । प्लवः । ते । अपाम् । अदित्यै । हस्ससाचिरिति
हस्स - साचिः । इन्द्राण्यै । कीरशाँ । गृध्रः । शितिकक्षीति शिति - कक्षी । वाद्घ्राणसः ।
ते । दिव्याः । द्यावापृथिव्येति द्यावा - पृथिव्याँ । श्वाविदिति श्व - वित् ॥ 58

(अलजो - ऽष्टादश) (A20)

TS 5.5.21.1

सु॒प॒र्ण इति॑ सु - प॒र्णः । पा॒र्जन्यः॑ । ह॒सः । वृ॒कः । वृ॒षद॒शः । ते । ऐ॒न्द्राः । अ॒पाम् ।
उ॒द्रः । अ॒र्य॒म्णे । लो॒पा॒शः । सि॒हः । न॒कुलः॑ । व्या॒घ्रः । ते । म॒हेन्द्रा॑येति॑ महा - इन्द्रा॑य
। कामा॑य । पर॑स्वान् ॥ 59

(सु॒प॒र्णो - ऽष्टा॑दश) (A21)

TS 5.5.22.1

आ॒ग्ने॒यः । कृ॒ष्णग्री॑व इति॑ कृ॒ष्ण - ग्री॒वः । सा॒र॒स्व॒ती । मे॒षी । ब॒भ्रुः । सौ॒म्यः । पौ॒ष्णः ।
श्या॒मः । शि॒ति॒पृ॒ष्ठ इति॑ शि॒ति - पृ॒ष्ठः । बा॒रु॒ह॒स्प॒त्यः । शि॒ल्पः । वै॒श्व॒दे॒व इति॑ वै॒श्व - दे॒वः ।
ऐ॒न्द्रः । अ॒रु॒णः । मा॒रु॒तः । क॒ल्मा॑षः । ऐ॒न्द्रा॒ग्न इत्यै॑न्द्र - अ॒ग्नः । स॒ह॒ित इति॑ सं - हि॒तः
। अ॒धो॒रा॑म इत्य॒धः - रा॒मः । सा॒वि॒त्रः । वा॒रु॒णः । पे॒त्वः ॥ 60

(आ॒ग्ने॒यो - द्वा॒विं॑शतिः) (A22)

TS 5.5.23.1

अ॒श्वः । तू॒परः॑ । गो॒मृ॒ग इति॑ गो - मृ॒गः । ते । प्रा॒जा॒प॒त्या इति॑ प्रा॒जा - प॒त्याः । आ॒ग्ने॒यौ ।
कृ॒ष्णग्री॑वा॒विति॑ कृ॒ष्ण - ग्री॒वौ । त्वा॒ष्ट्रौ । लो॒म॒श॒स॒क्था॒विति॑ लो॒म॒श - स॒क्थौ । शि॒ति॒पृ॒ष्ठा॒विति॑ शि॒ति
- पृ॒ष्ठौ । बा॒रु॒ह॒स्प॒त्यौ । धा॒त्रे । पृ॒षो॒द॒र इति॑ पृ॒ष - उ॒द॒रः । सौ॒र्यः । ब॒ल॒क्षः । पे॒त्वः ॥ 61

(अ॒श्वः - षो॑डश) (A23)

TS 5.5.24.1

अ॒ग्नये॑ । अ॒नी॒क॒व॒त् इत्यनी॑क॒व॒त्ते । रोहि॑ता॒ञ्जि॒रिति॑ रोहि॑त॒अ॒ञ्जिः । अ॒न॒ङ्गान् । अ॒धो॒रा॑मा॒वित्य॒धः

5.5 पञ्चमकाण्डे पञ्चमः प्रश्नः - वायव्यपश्चाद्यानं निरूपणं <https://www.vedavms.in> 24

- रा॒मौ । सा॒वि॒त्रौ । पौ॒ष्णौ । र॒ज॒तना॑भी इति॑ र॒ज॒त - ना॒भी । वै॒श्व॒दे॒वा॒वि॒तिं वै॒श्व॒दे॒वौ । पि॒शङ्गा॑
। तू॒प॒रौ । मा॒रु॒तः । क॒ल्मा॑षः । आ॒ग्ने॒यः । कृ॒ष्णः । अ॒जः । सा॒र॒स्व॒ती । मे॒षी । वा॒रु॒णः
। कृ॒ष्णः । ए॒क॒शि॒ति॒पा॒दि॒त्ये॒क॒-शि॒ति॒पा॒त् । पे॒त्वः ॥ 62

(अ॒ग्नये॑ - द्वा॒विं॒शतिः) (A24)

praSna korvai with starting padams of 1 to 24 anuvAkams :-

(यदे॑केन - प्र॒जाप॑तिः प्रे॒णाऽनु॑ - यजु॑षा - ऽऽपो॑ - वि॒श्वक॑र्मा - ऽग्न॑ आ या॑हि - सु॒व॒र्गाय॑ वज्रो॑ -
गाय॑त्रेणा - ग्रं उ॒दधे॑ - स॒मीची॑ - न्द्रा॒य - म॒यु - र॒पां - ब॒लाय॑ - पु॒रुष॑मृगः - सौ॒री - पृ॒ष॒तः -
शका॑ - रु॒रु - र॒ल॒जः - सु॑प॒र्ण - आ॒ग्ने॒यो - ऽश्वो॑ - ऽग्नये॑ऽनीक॑व॒त्ते - चतु॑र्विं॒शतिः)

korvai with starting padams of 1, 11, 21 series of pa jAAtis :-

(यदे॑केन - स पा॒पीया॑ - ने॒त॒द्वा अ॒ग्ने - र्ध॒नु॒स्तद् - दे॒वास्त्वे॒न्द्र॒ज्ये॒ष्ठा - अ॒पां न॒प्त्रे - ऽश्व॑स्तू॒प॒रो -
द्वि॒षष्टिः)

first and last padam of fifth praSnam of 5th kANDam

(यदे॑के - नै॒क॒शि॒ति॒पा॒त् पे॒त्वः)

॥ हरिः॑ ॐ ॥ ॥ कृष्ण यजुर्वेदीय तैत्तिरीय संहितायां पञ्चमकाण्डे पञ्चमः प्रश्नः समाप्तः ॥
